



鄭氏馬氏注 王應麟撰集

孫星衍補集

召誥第十八 周書九

惟二月既望注鄭曰是時周公居攝五年周禮大司徒疏

月當爲一月二月不云正月者蓋待治定制禮乃正言正

月故也詩文王正義越六日乙未王朝步自周則至于豐注馬

曰周鎬京也豐文王廟所在朝者舉事上朝將即土中易

都大事故告文王武王廟鄭曰行也堂下謂之步豐鎬

異邑而言步者告武王廟即行出廟入廟不以遠爲父恭

也史記於此從鎬京行至於豐就告文王廟詩王風告文

集解古文尙書注卷八

王則告武王可知禮記曲禮正義惟太保先周公相宅注

鄭曰相視也史記集解越若來三月惟丙午朏越三日戊申太

保朝至于洛卜宅厥既得卜則經營越三日庚戌太保乃

以庶殷攻位于洛注鄭曰洛隈曲中也尚書正義越五日甲

寅位成若翼日乙卯周公朝至于洛則達觀于新邑營注

鄭曰史不書王往者王于相宅無事也尚書正義越三日丁巳


用牲于郊牛二越翼日戊午乃社于新邑牛一羊一豕一

越七日甲子周公乃朝用書命庶殷侯甸男邦伯厥既命

殷庶殷不作太保乃以庶邦冢君出取幣乃復入注鄭

曰所賜之幣蓋璋以皮及寶玉大弓此時所賜尚書正義錫周

錫周



公曰拜手稽首旅王若公注鄭曰召公見眾殷之民大作

周公德隆功成有反政之期而欲顯之因大戒天下故與

諸侯出取幣使戒成王立於位以其命賜周公尚書正義誥告

庶殷越自乃御事嗚呼皇天上帝改厥元子注鄭曰言首

子者凡人皆云天之子天子為之首耳尚書正義茲大國殷之

命惟王受命無疆惟休亦無疆惟恤嗚呼曷其奈何弗敬

天既遐終大邦殷之命茲殷多先哲王在天越厥後王後

民茲服厥命厥終智臧瘝在注鄭曰瘝病尚書正義夫知保抱

攜持厥婦子以哀籲天祖厥亡出執嗚呼天亦哀于四方

民其眷命用懋王其疾敬德相古先民有夏天迪從子保

面稽天若注鄭曰面猶迴向也尚書正義今時既墜厥命今相

有殷天迪格保面稽天若今時既墜厥命今冲子嗣則無

遺壽考曰其稽我古人之德矧曰其有能稽謀自天嗚呼

有王雖小元子哉其不能誠于小民今休王不敢後用顧

畏于民曷王來紹上帝自服于土中注鄭曰自用尚書正義且

曰其作大邑其自時配皇天茲祀于上下其自時中父王

厥有成命治民今休王先服殷御事比介于我有周御事

節性惟日其邁王敬作所不可不敬德我不可不監于有

夏亦不可不監于有殷我不敢知曰有夏服天命惟有歷

年我不敢知曰不其延惟不敬厥德乃早墜厥命我不敢

古文尚書注卷八

二

知曰有殷受天命惟有歷年我不敢知曰不其延惟不敬厥德乃早墜厥命今王嗣受厥命我亦惟茲二國命嗣若功王乃初服嗚呼若生子罔不在厥初生自貽哲命今天其命哲命吉凶命歷年知今我初服宅新邑肆惟王其疾敬德王其德之用祈天永命其惟王勿以小民淫用非彝亦敢殄戮用乂民若有功其惟王位在德元小民乃惟刑用于天下越王顯上下勤恤其曰我受天命丕若有夏歷年式勿晉有殷歷年欲王以小民受天永命拜手稽首曰予小臣注鄭曰拜手稽首者召公既拜興曰我小臣以下言召公拜訖而復言也尚書正義敢以王之讎民百君子注鄭

尚書正義卷八

三

曰王之諸侯與羣吏尚書正義越友民保受王威命明德王未有成命王亦顯我非敢勤惟恭奉幣用供王能祈天永命

洛誥第十九 周書十

周公拜手稽首曰朕復子明辟王如弗敢及天基命定命予乃允保大相東土其基作民明辟予惟乙卯朝至于洛師我卜河朔黎水我乃卜澗水東澠水西惟洛食我又卜澠水東亦惟洛食注鄭曰我以乙卯日至于洛邑之眾觀召公所卜之處皆可長久居民使服田相食澠水東既成名曰成周今洛陽縣是也召公所卜處名曰王城今河南縣是也詩王風正義先卜河北黎水者近於紂都爲其懷土重

遷故先卜近以悅之尚書正義云鄭說俾來以圖及獻卜王拜

手稽首曰公不敢不敬天之休來相宅其作周匹休公既

定宅俾來來鄭曰俾來來者使二人也尚書視予卜休

恆吉我二人共貞馬曰貞當也文釋公其以予萬億年敬

天之休拜手稽首誨言周公曰王肇稱殷禮鄭曰王者

未制禮樂恆用先王之禮樂是言伐紂以來皆用殷之禮

樂非始成王用之也周公制禮樂既成不使成王即用周

禮仍令用殷禮者欲待明年即政告神受職然後班行周

禮班訖始得用周禮故告神且用殷禮也尚書猶用殷禮

者至成王即位乃用周禮禮記明堂位正義祀于新邑咸秩無文

予齊百工俾從王于周子惟曰庶有事今王即命曰記功

宗以功作元祀惟命曰汝受命篤弼丕視功載乃汝其悉

自教工孺子其朋鄭曰孺子幼少之稱謂成王也尚書

孺子其朋其往毋若火始燄燄厥攸灼敘弗其絕馬讀

敘字屬下文釋厥若彝及撫事如予惟以在周工往新邑俾

嚮即有僚明作有功惇大成裕汝永有辭公曰已汝惟冲

子惟終汝其敬識百辟享亦職其有不享享多儀儀不及

物惟曰不享鄭曰朝聘之禮至大其禮之儀不及物謂

所貢篚多而威儀簡也威儀既簡亦是不享也尚書惟不

役志于享凡民惟曰不享惟事其爽侮乃惟孺子頌馬

曰頌猶也釋文鄭曰成王之才周公倍之猶未而言分者誘

掖之言也正義朕不暇聽朕教汝于棊民彝汝乃是不覆

馬曰覆勉也釋文乃時惟不承哉篤敘乃正父罔不若予

不敢廢乃命汝往敬哉茲予其明農哉彼裕我民無遠用

戾王若曰公明保予冲子公稱丕顯德以予小子揚文武

烈奉荅天命和恆四方民居師惇宗將禮稱秩元祀咸秩

無文惟公德明光于上下勤施于四方旁作穆穆迓衡鄭

鄭曰稱上曰衡文選六代論注不迷文武勤教予冲子夙夜茲祀

王曰公功棊迪篤罔不若時王曰公子小子其遐卽辟于

周命公後四方迪亂未定于宗禮亦未克救公功注鄭曰

救安也周禮小祝疏迪將其後監我士師工誕保文武受民亂

為四輔王曰公定予往已公功肅將祇歡公無困哉我惟

無斃其康事公勿普刑四方其世享周公拜手稽首曰王

命予來承保乃文祖受命注鄭曰文祖者周曰明堂以

稱文王是文王德稱文祖也詩維天之命正義越乃光烈考武王

鄭曰烈威詩離正義宏朕恭孺子來相宅其大惇典殷獻民

亂為四方新辟作周恭先曰其自時中又萬邦咸休惟王

有成績予且以多子越御事篤前人成烈荅其師作周先

考朕昭子刑乃單文祖德注馬曰單信也釋文鄭曰成我

所用明子之法度者乃盡明堂之德明堂者祀五帝太皞

之屬為用其法度也周公制禮六典就其法度而損益用

之詩維天之命正義俾來苾殷乃命寧注鄭曰周公謂文王為寧

王成王亦謂武王為寧王此一名二人兼之詩何彼穠矣正義予

以秬鬯二鹵曰明禋拜手稽首休享予不敢宿則禮于文

王武王注鄭曰禋芬芳之祭周禮大宗伯疏曰明禋者六典成祭

於明堂告五帝太皞之屬也既告明堂則復禋於文武之

廟告成洛邑尚書正義惠篤敘無有邁自疾萬年厭于乃德注

馬曰厭飫也釋文殷乃引考王俾殷乃承敘萬年其永觀朕

子懷德戊辰王在新邑烝注馬曰王在新邑絕句鄭讀王

在新邑烝釋文尚書正義云鄭以烝祭上屬與釋文異釋文是也祭歲文王駢牛一

武王駢牛一王命作冊逸祝冊惟告周公其後注鄭曰歲

成王元年正月朔日也用二特牛禘祭文王武王於文王

廟使史逸讀所冊祝之書告神以周公其宜為後謂封伯

禽也詩烈文正義是非時而特假祖廟故文武各特牛也周禮大宗

疏王賓殺禋咸格王入太室裸注馬曰太室廟中之夾室

文釋王命周公後作冊逸誥在十有二月惟周公誕保文武

受命注馬曰絕句文惟七年注馬曰惟七年周公攝政七

年天下太平釋文鄭曰文王得赤雀武王俯取白魚皆七年

詩文王文武受命七年而崩周公不敢過其數也周禮家宰疏

命及周公居攝皆七年

古文尚書注卷八

六

惟三月周公初于新邑洛用告商王士注鄭曰成王元年

三月周公自王城初往成周之邑用成王命告殷之眾士

以撫安之尚書正義王若曰爾殷遺多士弗弔旻天大降喪于

殷注馬曰秋曰旻天秋殺氣也方言降喪故稱旻天也釋文

我有周佑命將天明威致王罰勅殷命終于帝肆爾多士

非我小國敢翼殷命注馬曰翼取也釋文鄭曰翼猶驅也非

我周敢驅取汝殷之王命尚書正義惟天不畀允罔固亂弼我

我其敢求位惟帝不畀惟我下民秉爲惟天明畏我聞曰

上帝引逸有夏不適逸則惟帝降格嚮于時注馬舊時字

絕句釋文夏弗克庸帝大淫屑有辭注馬曰屑過也釋文惟時

天罔念聞厥惟廢元命降致罰乃命爾先祖成湯革夏俊

民甸四方自成湯至于帝乙罔不明德恤祀亦惟天不建

保乂有殷殷王亦罔敢失帝罔不配天其澤在今後嗣王

誕罔顯于天矧曰其有聽念于先王勤家誕淫厥洗罔顧

于天顯民祗注馬曰紂大淫樂其逸無所能顧念於天施

顯道於民而敬之也史記集解惟時上帝不保降若茲大喪惟

天不畀不明厥德凡四方小大邦喪罔非有辭于罰王若

曰爾殷多士今惟我周王丕靈承帝事有命曰割殷告勅

于帝惟我事不貳適惟爾王家我適予其曰惟爾洪無度

古文尚書注卷八

我不爾動自乃邑予亦念天卽于殷大戾肆不正王曰猷告爾多士予惟時其遷居西爾非我一人奉德不康寧時惟天命無違朕不敢有後無我怨惟爾知惟殷先人有册有典殷革夏命今爾又曰夏迪簡在王庭有服在百僚予

一人惟聽用德肆予敢求爾于天邑商鄭曰言天邑商

者亦本天之所建予惟率肆矜爾非予罪時惟天命

王曰多士昔朕來自奄予大降爾四國民命我乃明致天

罰移爾遐逃比事臣我宗多遜王曰告爾殷多士今予惟

不爾殺予惟時命有申今朕作大邑于茲洛予惟四方罔

攸賓馬曰賓卻也亦惟爾多士攸服奔走臣我多遜

文釋

八

爾乃尚有爾土爾乃尚寧幹止爾克敬天惟畀矜爾爾不克敬爾不啻不有爾土予亦致天之罰于爾躬今爾惟時宅爾邑繼爾居爾厥有幹有年于茲洛爾小子乃興從爾遷王曰又曰時予乃或言爾攸居

無逸第廿一 周書十二

周公曰嗚呼鄭曰嗚呼者將戒成王欲求以深感動之

尚書正義君子所其無逸鄭曰君子止謂在官長者所猶處

也君子處位為政其無自逸豫也先尚書正義知稼穡之艱難

乃逸則知小人之依相小人厥父母勤勞稼穡厥子乃不

知稼穡之艱難乃逸乃諂既誕否則侮厥父母曰昔之人

成王將崩命召公畢公率諸侯相康王作顧命馬曰成

王將崩顧念康王命召公畢公率諸侯輔相之釋文鄭曰臨

終出命故謂之顧顧將去之意也史記迴首曰顧尚書正義

成王崩康王既尸天子遂誥諸侯作康王之誥

康王命作冊畢分居里成周郊作畢命注鄭曰今其逸篇

有冊命霍侯之事不同與此序相應尚書正義

穆王命君牙為周太司徒作君牙

穆王命伯冏為周太僕正作冏命

蔡叔既沒王命蔡仲踐諸侯位作蔡仲之命堯典正義云孔以蔡仲之

命次君奭後第八十三鄭以為在費誓前第九十

古文尚書注卷八

九

魯侯伯禽宅曲阜徐夷並興東郊不闢作棗誓堯典正義云孔以費

誓在文侯之命後第九十九鄭以為在呂刑前第九十七

呂命穆王訓夏贖刑作呂刑

王賜晉文侯桓圭瓚作文侯之命

秦穆公伐鄭晉襄公帥師敗諸峭還歸作秦誓

馬氏書序

上古有虞氏之書故曰尚書尚書序正義

經傳所引秦誓秦誓並無此文逸十六篇絕無師說堯典正義

鄭氏書贊

孔子撰書尊而命之曰尚書尚書上也蓋言若天書然釋文

曰不義惟王久爲小人也武丁死祖庚立祖庚死祖甲立

史記集解鄭曰有兄祖庚賢武丁欲廢兄立弟祖甲以此爲不

義逃於人間故云久爲小人尚書正義作其卽位爰知小人之

依能保惠于庶民不敢侮鰥寡肆祖甲之享國卅有三年

自時厥後立王生則逸生則逸不知稼穡之艱難不聞小

人之勞惟耽樂之從自時厥後亦罔或克壽或十年或七

八年或五六年或四三年周公曰嗚呼厥亦惟我周太王

王季克自抑畏文王俾服注馬曰俾使也釋文卽康功田功

徽柔懿恭懷保小民惠鮮鰥寡自朝至于日中昃不遑暇

食用咸和萬民文王不敢盤于遊田以庶邦惟正之供文

王受命惟中身注鄭曰中身謂中年受命謂受殷王嗣立

之命詩文王序正義尚書鄭厥享國五十年周公曰嗚呼

繼自今嗣王則其無淫于觀注鄭曰淫放恣也淫者浸淫

不止尚書正義于逸于遊于田以萬民惟正之供無皇曰今日

耽樂乃非民攸訓非天攸若時人不則有愆無若殷王受

之迷亂酬于酒德哉周公曰嗚呼我聞曰古之人猶胥訓

告胥保惠胥教誨民無或胥斲張爲幻此厥不聽人乃訓

之乃變亂先王之正刑至于小大民否則厥心違怨否則

厥口詛祝周公曰嗚呼自殷王中宗及高宗及祖甲及我

周文王茲四人迪哲厥或告之曰小人怨汝詈汝則皇自

敬德注鄭曰皇暇言寬暇自敬尚書正義厥愆曰朕之愆允若

時不啻不敢含怒注鄭曰不但不敢含怒乃欲屢聞之以

知已政得失之源也尚書正義此厥不聽人乃或輔張為幻曰

小人怨汝詈汝則信之則若時不永念厥辟不寬綽厥心

亂罰無罪殺無辜怨有同是叢于厥身周公曰嗚呼嗣王

其監于茲

君奭第廿二 周書十三

周公若曰君奭弗弔天降喪于殷殷既墜厥命我有周既

受我不敢知曰厥基永孚于休若天棗忱我亦不敢知曰

其崇出于不祥注馬曰崇充也釋文鄭曰言與君奭同知舉

小豆尚書注卷八

十一

其殷興亡為戒尚書正義嗚呼君已曰時我我亦不敢寧于上

帝弗永遠念天威越我民罔尤違惟人在我後嗣子孫大

弗克恭上下邊佚前人光在家不知天命不易天難諶乃

其墜命弗克經厯嗣前人恭明德在今予小子且非克有

正迪惟前人光施于我冲子又曰注鄭曰人又云尚書正義云則

鄭氏以此又曰為天不可信我迪惟寧王德延注鄭曰言

周公稱人之言也尚書正義天不庸釋于文王受命公曰君奭

寧王者即文王也尚書正義我聞在昔成湯既受命時則有若伊尹格于皇天注鄭曰

皇天北極大帝也史記集解在太甲時則有若保衡注鄭曰伊

尹名摯湯以為阿衡以尹天下故曰伊尹詩蕩正義阿倚衡平

也伊尹湯所依倚而取平至太甲改曰保衡保安也言天
下所取安所取平此皆三公之官當時爲之號也尚書在

太戊時則有若伊陟臣扈格于上帝注馬曰道至于上帝

謂奉天時也鄭曰上帝太微中其所統也史記伊陟伊尹

之子詩蕩正義巫咸又王家注馬曰殷巫通鑑音注在祖乙時則有

若巫賢在武丁時則有若甘盤率惟兹有陳保又有殷故

殷禮陟配天多歷年所天惟純佑命則商實百姓三人罔

不秉德明恤小臣屏侯甸矧咸奔走惟兹惟德稱用又厥

辟故一人有事于四方若卜筮罔不是孚公曰君奭天壽

平格注鄭曰專言臣事格謂至於天也尚書正義保又有殷有

殷嗣天滅威今汝永念則有固命厥亂明我新造邦公曰

君奭在昔上帝劓申勸寧王之德其集大命于厥躬惟文

王尙克修和我有夏亦惟有若號叔有若閔天有若散宜

生有若泰顛有若南君括注鄭曰詩傳說有疏附奔走先

後禦侮之人而曰文王有四臣以受命此之謂詩經正義不及

呂望者太師教文王以大德周公謙不可以自比尚書正義又

曰無能往來兹迪彝教文王蔑德注鄭曰蔑小也尚書正義降

于國人亦惟純佑秉德迪知天威乃惟時昭文王迪見勛

聞于上帝注馬曰助勉也釋文惟時受有殷命哉武王惟兹

四人注鄭曰至武王時號叔等有死者餘四人也尚書正義尙

迪有祿後暨武王誕將天威咸劉厥敵惟茲四人昭武王
惟冒丕單稱德今在予小子且若游大川予往暨汝夷其
濟小子同未在位誕無我責收罔勛不及耆造德不降我
則鳴鳥不聞矧曰其有能格釋鄭

曰耆老也造成也詩云小子有造老成德之人不降志與

我並在位則鳴鳥之聲不得聞況乃曰有能德格于天者

乎言必無也鳴鳥謂鳳也魏志管寧傳注公曰嗚呼君肆其監于

茲我受命無疆惟休亦大維艱告君乃猷裕釋鄭曰召公

不說似隘急故令謀于寬裕也尚書正義我不以後人迷公曰

前人敷乃心乃悉命汝作汝民極曰汝明勛偶王在亶乘

全史尚書注卷八

茲大命惟文王德丕承無疆之恤公曰君告汝朕允保奭

其汝克敬以予監于殷喪大否肆念我天威予不允惟若

茲諾予惟曰襄我二人汝有合哉言曰在時二大天休茲

至惟時二人弗戡其汝克敬德明我俊民在讓後人于不

時嗚呼篤斐時二人我式克至于今日休我咸成文王功

于不怠不冒海隅出曰罔不率俾釋鄭曰率循也俾使也

四海之隅日出所照無不循度而可使也魏志注公曰君子

不惠若茲多諾予惟用罔于天越民公曰嗚呼君惟乃知

民德亦罔不能厥初惟其終釋鄭曰召公是時意說周公

恐其復不說故依違託言民德以剴切之尚書正義祇若茲往

敬用治

多方第廿三 周書十四

惟五月丁亥王來自奄注鄭曰奄國在淮夷之旁周公居

攝之時亦叛王與周公征之三年滅之自此而來歸詩幽

義至于宗周周公曰王若曰猷告爾四國多方惟爾殷侯

尹民我惟大降爾命爾罔不知洪惟圖天之命弗永寅念

于祀惟帝降格于夏有夏誕厥逸不冝感言于民乃大

淫昏不克終日勤于帝之攸注馬本作攸所也釋乃爾攸

聞厥圖帝之命不克開于民之麗乃大降罰崇亂有夏因

甲于內亂注鄭曰習為鳥獸之行于內為淫亂尚書不克

古文尚書注卷八

十四

靈承于旅罔丕惟進之恭洪舒于民亦惟有夏之民叨憤

日欽剝割夏邑天惟時求民主乃大降顯伏命于成湯刑

殄有夏惟天不畀純乃惟以爾多方之義民不克永于多

享惟夏之恭多士大不克明保享于民乃胥惟虐于民至

于百為大不克開乃惟成湯克以爾多方簡代夏作民主

慎厥麗乃勸厥民刑用勸以至于帝乙罔不明德慎罰亦

克用勸要囚殄戮多罪亦克用勸開釋無辜亦克用勸今

至于爾辟弗克以爾多方享天之命嗚呼王若曰誥告爾

多方非天庸釋有夏非天庸釋有殷乃惟爾辟以爾多方

大淫圖天之命屑有辭乃惟有夏圖厥政不集于享天降

時喪有邦間之乃惟爾商後王逸厥逸圖厥政不蠲烝

馬曰蠲明也烝升也文釋天惟降時喪惟聖罔念作狂惟狂

克念作聖天惟五年須夏之子孫鄭曰夏之言暇天觀

紂能改故待暇其終至五年欲使復傳子孫五年者文王

八年至十三年也詩皇矣誕作民主罔可念聽天惟求爾

多方大動以威開厥顧天惟爾多方罔堪顧之惟我周王

靈承于旅克堪用德惟典神天鄭曰顧由視念也其意

言天下災異之威動天下之心開其能為天以視念者眾

國無堪為之惟我周能堪之詩譜序天惟式教我用休簡

畀殷命尹爾多方今我曷敢多誥我惟大降爾四國民命

爾曷不忱裕之于爾多方爾曷不夾介乂我周王享天之

命今爾尙宅爾宅畋爾田爾曷不惠王熙天之命爾乃迪

屢不靜爾心未愛爾乃不大宅天命爾乃屑播天命爾乃

自作不典圖忱于正我惟時其教告之我惟時其戰要囚

之至于再至于三乃有不用我降爾命我乃其大罰殛之

非我有周秉德不康寧乃惟爾自速辜王曰嗚呼猷告爾

有方多士暨般多士今爾奔走臣我監五祀越惟有胥伯

小大多正爾罔不克臬自作不和爾惟和哉爾室不睦爾

惟和哉爾邑克明爾惟克勤乃事爾尙不忌于凶德亦則

以穆穆在乃位克闋于乃邑謀介爾乃自時洛邑尙永力

畋爾田天惟畀矜爾我有周惟其大介賚爾迪簡在王庭
尙爾事有服在大僚王曰嗚呼多士爾不克勸忱我命爾
亦則惟不克享凡民惟曰不享爾乃惟逸惟頗大遠王命
則惟爾多方探天之威我則致天之罰離逃爾土注鄭曰
分離奪汝土也正義王曰我不惟多誥我惟祇告爾命又
曰時惟爾初不克敬于和則無我怨

頃爾注鄭曰不克敬于和則無我怨
尙爾事有服在大僚王曰嗚呼多士爾不克勸忱我命爾
亦則惟不克享凡民惟曰不享爾乃惟逸惟頗大遠王命
則惟爾多方探天之威我則致天之罰離逃爾土注鄭曰
分離奪汝土也正義王曰我不惟多誥我惟祇告爾命又
曰時惟爾初不克敬于和則無我怨

古文尚書卷九

馬氏鄭氏注 王應麟撰集 孫星衍補集

立政第廿四 周書十五

周公若曰拜手稽首告嗣天子王矣用咸戒于王曰王左右常伯常任準人綴衣虎賁周公曰嗚呼休茲知恤鮮哉古之人迪惟有夏乃有室大競顓俊尊上帝迪知忱恂于九德之行乃敢告教厥后曰拜手稽首后矣曰宅乃事宅乃牧鄭曰殷之州牧曰伯虞夏及周曰牧宅乃準

茲惟后矣謀面用丕訓德則乃宅人茲乃三宅無義民桀德惟乃弗作往任是惟暴德罔後亦越成湯陟丕釐上帝

古文尚書注卷九

一

之耿命乃用三有宅克卽宅曰三有俊克卽俊嚴惟丕式克用三宅三俊其在商邑用協于厥邑其在四方用丕式見德嗚呼其在受德敬馬曰受德受所為德也惟羞

刑暴德之人同于厥邦乃惟庶習逸德之人同于厥政帝

欽罰之乃侔我有夏式商受命奄甸萬姓亦越文王武王

克知三有宅心灼見三有俊心以敬事上帝立民長伯立

政任人準夫牧作三事虎賁綴衣趣馬小尹左右攜僕百

司庶府大都小伯藝人表臣百司太史尹伯庶常吉士司

徒司馬司空亞旅夷微盧烝三毫阪尹鄭曰三毫者湯

舊都之民服文王者分為三邑其長居險故言阪尹蓋東

成臯南轅轅西降谷也

尚書正義

詩元鳥

文王惟克厥

宅心乃克立茲常事司牧人以克俊有德文王罔攸兼于

庶言庶獄庶慎惟有司之牧夫是訓用違庶獄庶慎文王

罔敢知于茲亦越武王率惟敕功不敢替厥義德率惟謀

從容德以並受此丕丕基嗚呼孺子王矣繼自今我其立

政立事準人牧夫我其克灼知厥若丕乃俾亂相我受民

和我庶獄庶慎時則勿有閒之自一話一言我則末惟成

德之彥以乂我受民嗚呼予旦已受人之徽言咸告孺子

王矣繼自今文子文孫其勿誤于庶獄庶慎惟正是乂之

自古商人亦越周文王立政立事牧夫準人則克宅之克

由繹之茲乃俾乂國則罔有立政用儉人

人也釋文不訓于德是罔顯在厥世繼自今立政其勿以儉

人其惟吉士用勸相我國家今文子文孫孺子王矣其勿

誤于庶獄惟有司之牧夫其克詰爾戎兵

釋文以陟禹之迹方行天下至于海表罔有不服以覲文王

之耿光以揚武王之大烈嗚呼繼自今後王立政其惟克

用常人周公若曰太史司寇蘇公式敬爾由獄以長我王

國茲式有慎以列用中罰

古文尚書注卷九

二

顧命第廿五 周書十六

惟四月哉生魄注鄭曰此成王二十八年尚書正義居攝六年

爲年端詩烈文王不釋注馬曰不釋疾不解也釋甲子王

乃洮頰水注馬曰洮洮髮也頰頰面也釋鄭曰洮頰爲濯

澣衣成事注吳志相被冕服注鄭曰相者正王服位之臣謂

太僕冕元冕尚書正義馮玉几乃同召太保爽芮伯彤伯畢公

衛侯毛公注鄭曰公兼官以六卿爲正次詩淇澳芮伯亦

爲宗伯畢公入爲司馬詩桑柔正義師氏虎臣百尹御事王曰

嗚呼疾大漸惟幾病曰臻既彌留恐不獲誓言嗣兹予審

訓命汝昔君文王武王宣重光注馬曰重光日月星也太

極上元十一月朔旦冬至日月如疊璧五星如連珠故曰

重光釋文莫麗陳教則肄肄不違用克達殷集大命在後之

李長文尚書注卷九

詞注馬曰詞共也釋文敬迂天威嗣守文武大訓無敢昏逾

今天降疾殆弗興弗悟爾尙明時朕言用敬保元子釗宏

濟于艱難柔遠能邇安勸小大庶邦思夫人自亂于威儀

爾無以釗勸釗于非幾注馬鄭皆曰釗陷也釋文兹既受命

還出綴衣于庭注鄭曰連綴小斂大斂之衣于庭中周禮

越翼日乙丑成王崩注馬曰安民立政曰成釋文太保命

仲桓南宮毛俾爰齊侯呂伋以二千戈虎賁百人逆子釗

于南門之外延入翼室恤宅宗丁卯命作冊度越七日癸

酉注鄭曰癸酉蓋大斂之明日也尚書正義伯相命士須材狄

設黼展綴衣牖間南嚮敷重蔑席注馬曰蔑織籜釋文鄭曰

不用生時席新鬼神之事也

禮記禮器正義

蔑折竹之次青者書

正黼純華玉

注鄭曰華玉五色玉也

尚書正義仍几西序東嚮

敷重底席

注馬曰底青蒲也

釋文鄭曰底致也蔑織致席也

尚書正義綴純文貝仍几東序西嚮敷重豐席畫純

注鄭曰豐

席刮凍竹席畫純以雲氣畫之為緣尚書正義雕玉仍几西夾

南嚮敷重筍席

注馬曰筍箬也

釋文鄭曰筍析竹青皮也

禮記曰如竹箭之有筠

禮記禮器正義

元紛純

注鄭曰以元組為

之緣尚書正義漆仍几越玉五重

注馬曰越玉越地所獻玉也

釋文陳寶

注鄭曰陳寶者方有大事以華國也

尚書正義赤刀大

訓宏璧琬琰

注鄭曰赤刀者武王誅紂時刀赤為飾周正

色大訓謂禮法先王禮教即虞書典謨是也

周禮天宏

也同上大璧大琬大琰皆度尺二寸者

尚書正義

在西序大玉夷

玉天球河圖

注馬曰夷玉東夷之美玉球玉磬

釋文鄭曰大

玉華山之球也夷玉東北之珣玕琪也天球雍州所貢之

玉色如天者皆璞未見琢治故不以禮器名之

尚書河圖正義

圖出于河帝王聖者之所受

魏志注禮天府疏

在東序允之舞

衣大貝鼗鼓

注鄭曰大貝者書傳曰散宜生之江淮之浦

取大貝如車渠是也鼗鼓大鼓也此鼗非謂考工記鼗鼓

長八尺者若是周物何須獨寶守明前代之物與周鼗鼓

同名耳

周禮天府疏

在西房兌之戈和之弓垂之竹矢

注鄭曰

允也兌也和也垂也皆古人造此物者之名周禮天在東

房大路在賓階注鄭曰大路玉路周禮典賡路在阼階

面注鄭曰賡次次在玉路後謂玉路之貳也周禮典先路

在左塾之前注鄭曰先路象路門側之堂謂之塾謂在路

門內之西北面與玉路相對也周禮典次路在右塾之前

注馬曰不陳戎輅者兵事非常故不陳之尚書鄭曰象路

之貳與玉路之貳相對在門內之東北面周禮典路疏

氏以綴次是從後之言二者皆為副貳之車先輅不陳象

是金輅也綴輅是玉輅之貳次輅是金輅之貳尚書二人雀弁注鄭

輅金輅革輅木輅者主於朝祀而已尚書二人雀弁注鄭

曰赤黑曰雀言如雀頭色也雀弁制如冕黑色但無藻耳

古文尚書注卷九

尚書正義執惠注鄭曰惠狀蓋斜刀宜芟刈尚書立于畢門之

內四人騏弁注馬曰騏青黑色釋文鄭曰青黑曰騏尚書正義

詩曰我馬維騏詩出其東執戈上刃注鄭曰戈即今之鉤

子戟尚書夾兩階正義一人冕執劉注鄭曰劉蓋今鑊斧尚書

義立于東堂一人冕執鉞注鄭曰鉞大斧尚書立于西堂

注鄭曰序內半以前曰堂尚書一人冕執戣立于東垂一

人冕執銳注鄭曰銳矛屬凡此七兵或施矜或者柄周禮戈

長六尺六寸其餘未聞長短之數尚書立于側階注鄭曰

東下階也尚書王麻冕注鄭曰三十升布冠也太平御覽

黼裳鄭曰黼裳者冕服有文者也尚書正義由賓階濟卿士

君麻冕蟻裳鄭曰蟻謂色元也太平御覽入卽位邦

鄭曰卿西面諸侯北面尚書正義太保太史太宗皆麻冕彤裳

太保承介圭上宗奉同瑁馬曰同者大同天下吳志鄭

日上宗猶太宗變其文者宗伯之長大宗伯一人與小宗

伯二人凡三人使其上二人也一人奉同一人奉瑁尚書正義

同酒杯吳志由阼階濟太史秉書由賓階濟御王册命注

鄭曰御猶嚮也王此時正立賓階上少東太史東面於殯

西南而讀策書以命王嗣位之事尚書正義曰皇后馮玉几道

揚末命命汝嗣訓臨君周邦率循天下變和天下用荅揚

文武之光訓王再拜與荅曰眇眇予末小子其能而亂四

方以敬忌天威乃受同瑁王三宿三祭三寗鄭曰王既

對神則一手受同一手受瑁徐行前曰肅卻行曰咤王徐

行前三祭又三卻復本位尚書正義上宗曰饗太保受同降盥

以異同秉璋以酢授宗人同拜王荅拜太保受同祭齊宅

授宗人同拜王荅拜太保降收諸侯出廟門侯王出在應

門之內太保率西方諸侯入應門左畢公率東方諸侯入

應門右皆布乘黃朱賓稱奉圭兼幣鄭曰此幣圭以馬

蓋舉王者之後以言耳諸侯當璧以帛亦有庭實尚書正義曰

一二臣衛敢執壤奠皆再拜稽首鄭曰釋辭者一人其

鄭曰釋辭者一人其

餘奠幣拜者稽首而已朝兼享禮也與常禮不同尚書正義王

義嗣德答拜太保暨芮伯咸進相揖皆再拜稽首曰敢敬

告天子皇天改大邦殷之命惟周文武誕受美若馬曰

美道也釋文克恤西土惟新陟王畢協賞罰戡定厥功用敷

遺後人休今王敬之哉張皇六師無壞我高祖寡命

康王之誥第廿五 周書十七

王若曰庶邦侯甸男衛泄馬本從此以下為康王之誥云

與顧命差異敘歐陽大小夏侯同為顧命釋文尚書正

篇自高祖寡命已上內於顧命之義云馬鄭本此

篇王若曰已下始為康王之誥 鄭曰獨舉侯甸男衛四

尚書注卷九

七

餘六年侯甸男要服正朝要服國遠既事遣之衛服前冬

來以王有疾留之詩周頌惟予一人釗報誥昔君文武不

平富不務咎底至齊泄馬讀絕句釋文信用昭明于天下則

亦有熊羆之士不二心之臣保乂王家用端命于上帝皇

天用訓厥道付畀四方乃命建侯樹屏在我後之人今予

一二伯父尚胥暨顧綏爾先公之臣服于先王雖爾身在

外乃心罔不在王室用奉恤厥若無遺鞠子羞羣公既皆

聽命相揖趨出王釋冕反喪服泄鄭曰羣公主為諸侯與

王之三公諸臣亦在焉王釋冕反喪服朝臣諸侯亦反喪

服禮喪服篇臣為君諸侯為天子皆斬衰尚書正義

公曰嗟人無謹鄭曰人謂軍之士眾及費地之民尚書正義

聽命徂茲淮夷徐戎並興善敷乃甲冑鄭曰敕謂穿徹

之尚書正義敵乃干鄭曰敵猶繫也尚書正義無敢不弔鄭曰

弔至猶善也尚書正義備乃弓矢鍛乃戈矛礪乃鋒刃無敢不

善今惟淫舍牯牛馬鄭曰牯極牯之牯施牯於牛馬之

腳使不得走失尚書正義杜乃獲斂乃寘鄭曰山林之田春

始穿地為寘或設獲其中以遮獸獲柞剝也尚書正義無敢傷

牯牯之傷汝則有常刑馬牛其風臣妾逋逃鄭曰風走

逸臣妾廝役之屬也史記集解勿敢越逐祗復之我商賚汝乃

越逐不復汝則有常刑無敢寇攘鄭曰寇劫取也因其

失亡曰攘史記集解詩博士讀曰襄爾雅釋詁疏踰垣牆竊

馬牛誘臣妾汝則有常刑甲戌我惟征徐戎時乃糗糧無

敢不逮汝則有大刑馬曰大刑死刑史記集解魯人三郊三

遂時乃楨幹馬曰楨幹皆築具楨在前幹在兩傍史記集解

甲戌我惟築無敢不供汝則有無餘刑非殺鄭曰無餘

刑非殺者謂盡奴其妻子不遺其種類在軍使給廝役反

則入於罪隸春稟不殺之尚書正義魯人三郊三遂時乃芻茭

鄭曰茭乾芻也尚書正義無敢不多汝則有大刑

惟呂命

鄭曰書說云周穆王以呂侯為相
史記呂侯受

王命入為三公

尚書正義王享國百年秬荒度作詳刑以詰四方

方注馬曰度法度也

釋文鄭曰詳審察之也後漢書劉王曰

若古有訓蚩尤惟始作亂

注馬曰蚩尤少昇之末九黎君

名釋文鄭曰蚩尤霸天下黃帝所伐者學蚩尤為此者九黎

之君在少昇之代也

尚書正義延及于平民罔不寇賊鴟義茲

宄

注馬曰鴟輕也釋文鄭曰盜賊狀如鴟梟鈔掠良善劫奪

人物尚書正義奪攘擄虔

注鄭曰有因而盜曰攘擄虔謂撓擾

春秋傳虔劉我邊垂謂劫奪人物以相撓擾也

周禮司苗刑疏

民弗用靈制以刑

注鄭曰苗民謂九黎之君也九黎之君

於少昇氏衰而棄善道上效蚩尤重刑必變九黎言苗民

者有苗九黎之後顛頊代少昇誅九黎分流其子孫為居

於西裔者三苗至高辛之衰又復九黎之君惡堯興又誅

之堯末又在朝

正義舜臣堯又竄之後禹攝位又在洞庭

逆命禹又誅之穆王深惡此族三生凶惡故著其惡而謂

之民

尚書正義縹衣正禮記縹民者冥也言未見仁道

惟作五虐之刑曰法殺戮無辜爰始淫為劓剕

尚書正義

引鄭注經字多異云劓則劓刺云膺

注鄭曰劓斷耳劓截

鼻椽謂椽破陰黥謂羈黥人面苗民大為此四刑者言其
特深刻異于臯陶之為尚書正義越茲麗刑并制注鄭曰越於

也茲此也麗施也於此施刑并制其無罪者詩正月罔差

有辭民與胥漸泯泯焚罔中于信以覆詛盟虐威庶戮正義

方告無辜于上帝監民罔有馨香德刑發聞惟腥皇帝

哀矜庶戮之不辜報虐以威遏絕苗民無世在下乃命重

黎絕地天通罔有降格羣后之逮在下明明棗常鰥寡無

蓋皇帝清問下民鰥寡有辭于苗注馬曰清問清訊也釋文

鄭以皇帝哀矜庶獄之不辜至罔有降格皆說顓頊之事

乃命重黎卽是命重黎之身非義和也皇帝清問以下乃

說堯事顓頊與堯再誅苗民故上言遏絕苗民下云有辭

于苗異代別時非一事也尚書正義德威惟畏德明惟明乃命

三后恤功于民伯夷降典折民惟刑注馬曰折智也釋文禹

平水土主名山川稷降播種農殖嘉穀三后成功惟殷于

民士制百姓于刑之中以教祇德穆穆在上明明在下灼

于四方罔不惟德之勤故乃明于刑之中率乂于民棗彝

典獄非訖于威惟訖于富敬忌罔有擇言在身惟克天德

自作元命注鄭曰大命謂延期長久也尚書正義配享在下王

曰嗟四方司典獄非爾惟作天牧今爾何監非時伯夷播

刑之迪其今爾何懲惟時苗民匪察于獄之麗罔擇吉人

觀于五刑之中惟時庶威奪貨斷制五刑以亂無辜上帝

不蠲降咎于苗注鄭曰天以苗民所行腥臊不潔故下禍

古文尚書注卷九

誅之尚書正義苗民無辭于罰乃絕厥世王曰嗚呼念之哉伯

父伯兄仲叔季弟幼子童孫皆聽朕言庶有格命鄭曰

格登也登命謂壽考者尚書正義今爾罔不由慰曰勤爾罔或

戒不勤天齊于民馬曰齊中也釋矜我一日

哀也釋文非終惟終在人爾尚敬逆天命以奉我一人雖畏

勿畏雖休勿休惟敬五刑以成三德一人有慶兆民賴之

其寧惟永王曰于馬曰于於也釋文來有邦有土告爾詳

刑在今爾安百姓何擇非人何敬非刑何度非及馬曰

度造謀也釋文兩造具備師聽五辭五辭簡孚正于五刑五

刑不簡正于五罰五罰不服正于五過五過之疵惟官惟

反惟內惟貨惟求馬曰求有求請賂也釋文其罪惟均其

審克之馬曰以此五過出入人罪與犯法者等集解五

刑之疑有赦五罰之疑有赦鄭曰不言五過之疑有赦

者過不赦也禮記曰凡執禁以齊眾者不赦過尚書正義其審

克之簡孚有眾惟貌有稽無簡不聽具嚴天威墨辟疑赦

其罰百鍰馬曰鍰六銖也銖十一銖二十五分銖之十

三也賈逵說俗儒以銖重六兩周官劍重九銖俗儒近是

釋文鄭曰鍰六兩也釋文云鄭及爾雅同閱實其罪劓辟疑赦其罰惟

倍閱實其罪剕辟疑赦其罰倍差馬曰倍二百為四百

鍰也差者又加四百之三分之一史記集解凡五百三十三鍰三

古文尚書注卷九

分鍤之一也釋文閱實其罪官辟疑赦其罰六百鍤閱實其

罪大辟疑赦其罰千鍤閱實其罪墨罰之屬千劓罰之屬

千剕罰之屬五百宮罰之屬三百大辟之罰其屬二百五

刑之屬三千上下比罪無僭亂辭勿用不行惟察惟法其

審克之上刑適輕下服下刑適重上服輕重諸罰有權刑

罰世輕世重惟齊非齊有倫有要罰懲非死人極于病非

佞折獄惟良折獄罔非在中察辭于差非從惟從哀敬折

獄明啟刑書胥占咸庶中正其刑其罰其審克之獄成而

孚輸而孚其刑上備有并兩刑王曰嗚呼敬之哉官伯族

姓朕言多懼朕敬于刑有德惟刑今天相民注馬曰相助

釋文也釋文作配在下明清于單辭民之亂罔不中聽獄之兩辭

無或私家于獄之兩辭獄貨非寶惟府辜功報以庶尤永

畏惟罰非天不中惟人在命天罰不極庶民罔有令政在

于天下王曰嗚呼嗣孫今往何監非德于民之中尚明聽

之哉哲人惟刑無疆之辭屬于五極咸中有慶受王嘉師

監于茲詳刑

文侯之命第廿八 周書二十

王若曰父義和注馬曰王順曰父能以義和我諸侯史記集解

鄭曰義讀為儀儀仇皆訓匹也故名仇字儀尚書正義丕顯文

武克慎明德昭升于上敷聞在下注馬曰昭明也上謂天

古文尚書注卷九

十一

下謂人史記集解惟時上帝集厥命于文王亦惟先正注鄭曰

先正先臣謂公卿大夫也魏志注克左右昭事厥辟越小大

謀猷罔不率從肆先祖懷在位嗚呼閔予小子嗣造天不

愆殄資澤于下民侵戎我國家純既我御事罔或者壽俊

在厥服予則罔克曰惟祖惟父其伊恤朕躬嗚呼有續予

一人承綏在位父義和汝克紹乃顯祖汝肇刑文武用會

紹乃辟追孝于前文人汝多修扞我于艱若汝予嘉王曰

父義和其歸視爾師寧爾邦用賚爾秬鬯一鹵彤弓一彤

矢百盧弓一盧矢百馬四匹父往哉柔遠能邇惠康小民

無荒寧簡恤爾都注鄭曰都國都也鄙邊邑也言都不言

鄙由近以及遠也尚書正義用成爾顯德

秦誓第廿九 周書二十一

公曰嗟我士注鄭曰誓其羣臣下及萬民獨云士者舉中

言之尚書正義聽無譁予誓告汝羣言之首古人有言曰民訖

自若是多盤責人斯無難惟受責俾如流是惟艱哉我心

之憂日月逾邁若弗員來惟古之謀人則曰未就予忌惟

今之謀人姑將以為親雖則員然尚猶詢茲黃髮則罔所

愆番番良士旅力既愆我尚有之訖訖勇夫注馬曰訖訖

無所省錄之貌釋文射御不違我尚不欲惟截截善偏言注

馬曰截截辭語截削省要也偏少也辭約指明大辨佞之

尚書正義卷九

三

人釋俾君子易辭我皇多有之昧昧我思之如有一介臣

文馬曰一介耿介一心端潔者釋斷斷猗無他伎其心休

休焉注鄭曰休休寬容貌禮記大其如有容人之有技若

己有之人之彥聖其心好之不啻如自其口出是能容之

以保我子孫黎民亦職有利哉人之有技冒疾以惡之人

之彥聖而違之俾不達是不能容以不能保我子孫黎民

亦曰殆哉邦之杌隍曰由一人邦之榮懷亦尙一人之慶

古文尙書注卷九

西

古文尙書卷十

馬氏鄭氏注 王應麟撰集 孫星衍補集

序 馬鄭皆曰孔子所作 尚書正義

虞夏書 堯典正義云馬融鄭氏別錄題皆曰虞夏書

昔在帝堯 鄭曰書以堯為始獨云昔在使若無先之典

然也 尚書正義 聰明文思光宅天下將遜于位讓于虞舜 鄭曰堯尊如故舜攝其事 同上 作堯典 鄭曰舜之美事在于

堯時 同上

虞舜側微堯聞之聰明將使嗣位歷試諸難 鄭曰入麓

伐木 堯典正義 作舜典

古文尙書注卷十

帝釐下土方 馬曰釐賜也理也 釋文云下土絕句 設居

方別生分類作汨作九共九篇 馬曰共法也 釋文 稟飲

臯陶矢厥謨禹成厥功帝舜申之作大禹臯陶謨棄稷 益稷

正義云馬鄭所據書序此篇名為棄稷又合此篇于臯陶謨謂其別有棄稷之篇

禹別九州隨山濬川任土作貢 鄭曰任土謂定其肥磽

之所生 尚書正義

啟與有扈戰于甘之野 馬曰有扈姒姓之國為無道者

甘南郊地也甘水名今在鄆縣西 釋文 作甘誓 馬曰軍旅

曰誓會同曰誥 同上

太康失邦昆弟五人須于洛汭 馬曰須止也 釋文 鄭曰避

亂于洛汭堯典正義作五子之歌

義和涵淫廢時亂曰允往征之注鄭曰允臣名史記集解堯典正義

義引作允征臣名衍征字作允征

商書

自契至于成湯八遷注馬曰俗儒以湯為諡或為號號者

似非其意言諡近之然不在諡法故無聞焉及禹俗儒以

為名帝系禹名文命王侯世本湯名天乙推此言之禹豈

復非諡乎亦不在諡法故疑焉釋文鄭曰契本封商國在太

華之陽尚書正義湯始居亳注鄭曰亳今河南偃師縣有湯亭

同地理志河南郡有偃師縣有尸鄉殷湯所都詩元鳥正義從

古文商書注卷十

先王居作帝告釐沃

湯征諸侯葛伯不祀湯始征之作湯征

伊尹去亳適夏既醜有夏復歸于亳入自北門乃遇汝鳩

汝方作汝鳩汝方釋文云帝告釐沃汝鳩汝方五亡篇舊解是夏書馬鄭以為商書

湯既勝夏欲遷其社注馬曰社句龍也尚書正義不可作夏社

堯典正義云百篇次第孔鄭不同孔以湯誓在夏社前於百篇第二十六鄭以為在臣扈後第二十九按此孔梅

氏注鄭曰犧牲既成粢盛既潔祭以其時而早暎水溢則

變置社稷當湯伐桀之時早致災明法以薦尚書正義引作既置其禮

祀明德而猶早至七年故湯遷社而以周棄代之欲遷句

龍以無可繼之者於是故止周禮大宗伯疏疑至臣扈注馬曰聖

人不可自專復用二臣自明也尚書正義

伊尹相湯伐桀升自阍遂與桀戰于鳴條之野注鄭曰鳴

條南夷地名史記集解尚書正義作湯誓

夏師敗績湯遂從之遂伐三腹注鄭曰伊訓云載孚在亳

又曰征是三腹正義倂厥寶玉誼伯仲伯作典寶

湯歸自夏至于大坰仲虺作誥

湯既黜夏命復歸于亳作湯誥

伊尹作咸有一德注鄭曰伊陟臣扈曰下闕堯典正義又云孔以咸有

一德次太甲後第四十鄭以為在湯誥後第三十二

咎單作明居注馬曰咎單湯司空也明居明居民之法也

古文尚書注卷十

史記集解

成湯既沒太甲元年伊尹作伊訓肆命祖后注鄭曰肆命

者陳政教所當為也祖后者言湯之法度也史記集解

太甲既立不明伊尹放諸桐注鄭曰地名也有王離官焉

史記集解三年復歸于亳思庸伊尹作太甲三篇

沃丁既葬伊尹于亳咎單遂訓伊尹事作沃丁

伊陟相太戊注馬曰太戊太甲子釋文亳有祥桑穀共生于

朝注鄭曰兩手搯之曰拱史記集解伊陟贊于巫咸注馬曰巫

男巫也名咸殷之巫也釋文鄭曰巫咸巫官尚書正義作咸父四

篇注馬曰艾治也史記集解釋文作父

大戊贊于伊陟作伊陟原命注馬曰原臣名也命原以禹

湯之道我所修也史記集解

仲丁遷于囂作仲丁

河竄甲居相作河竄甲

祖乙圯于耿注馬曰圯毀也釋文鄭曰祖乙又去相居耿而

國爲水所毀於是修德以禦之不復徙也錄此篇者善其

國圯毀改政而不徙尚書正義作祖乙

盤庚五遷將治亳殷注鄭曰治於亳之殷地商家自此徙

而改號曰殷史記集解民咨胥怨注鄭曰民居耿久奢淫成

俗故不樂徙尚書正義作盤庚三篇

尚書注卷十

高宗夢得說使百工營求諸野得諸傅巖作說命三篇注

馬曰高宗始命爲傅氏尚書正義鄭曰得諸傅巖高宗因以傅

命說爲氏同上

高宗祭成湯有飛雉升鼎耳而雉注鄭曰鼎三公象也又

用耳行雉升鼎耳而鳴象視不明天意若云當任三公之

謀以爲政尚書正義祖己訓諸王作高宗彤曰高宗之訓

殷始咎周注馬曰咎周者爲周所咎釋文鄭曰咎惡也紂聞

文王斷虞芮之訟後又三伐皆勝而始畏惡之拘於羑里

詩文王正義尚書正義引略同無首句末句周人乘黎注鄭曰乘勝也紂得散

宜生等所獻寶而釋文王文王釋而伐黎明年伐崇詩文王正義

義祖乙恐奔告于受注馬曰受讀曰紂或曰受婦人之言

故號曰受也釋文鄭曰紂帝乙之少子名辛帝乙愛而欲立

焉號曰受德時人傳聲轉作紂也史掌書知其本故曰受

尚書正義作西伯戡黎

殷既錯天命注馬曰錯廢也釋文微子作誥父師少師注鄭

曰微子啟紂同母庶兄紂之母本帝乙之妾生啟及衍後

立為后生受德詩大明正義

周書

惟十有一年武王伐殷注鄭曰十有一年本文王受命而

數之是年入戊午部四十歲矣詩文王正義一月戊午師渡孟

古文尚書注卷十

五

津作大誓三篇

武王戎車三百兩虎賁三百人與受戰于牧野注鄭曰牧

野紂南郊地名詩大明正義作牧誓

武王伐殷往伐歸獸識其政事作武成注鄭曰著武道至

此而成武成逸書建武之際亡尚書正義

武王勝殷殺受立武庚以箕子歸作洪範

武王既勝殷邦諸侯班宗彝作分器注鄭曰宗彝宗廟樽

也作分器者著王之命及受物也史記集解

西旅獻獒注馬曰作豪酋豪也釋文鄭曰獒讀曰豪西戎無

君名強大有政者為酋豪國人遣其酋豪來獻見于周尚書

義正 太保作旅葵

巢伯來朝

禮記于制正義 巢伯殷之諸侯 周禮象

南方之國世一見者 仲虺之聞武王克商慕義而來朝 禮周

象胥 苒伯作旅巢命 **注** 鄭曰苒伯周同姓國在畿內 詩桑

義疏

武王有疾不豫周公作金縢 **注** 鄭曰縢束也凡藏祕書藏

之於匱必金緘其表 尚書

正義

武王崩三監及淮夷畔 **注** 鄭曰三監管叔蔡叔霍叔三人

為武庚監於殷國者也前流言於國公將不利於成王周

公還攝政懼誅因遂其惡門導淮夷與之俱叛此以居攝

古文尚書注卷十

六

二年之時繫之武王崩者其惡之初自崩始也 詩東山 **周**

公相成王 **注** 鄭曰誅之者周公意也而言相成王者自迎

周公而來蔽已解矣 詩東山 **將黜殷** **注** 鄭曰黜貶退也 尚書

正義 **作大誥**

成王既黜殷命殺武庚命微子啟代殷後 **注** 鄭曰黜殷命

謂殺武庚也微采地名微子啟紂同母庶兄也武王投之

於宋因命之封為宋公代殷後 詩有客 **作微子之命**

唐叔得禾異畝同穎 **注** 鄭曰二苗同為一穗 史記 **獻諸天**

子王命唐叔歸周公于東作歸禾

周公既得命禾 **注** 鄭曰受王歸已禾之命與其禾 尚書 **旅**

天子之命作嘉禾

成王既伐管叔蔡叔以殷餘民封康叔注馬曰康國名在

圻內尚書正義鄭曰言伐管蔡者為因其國也詩邶鄘衛初封

於衛至子孫而并邶鄘也康為號諡尚書正義作康誥酒誥梓

材

成王在豐欲宅洛邑使召公先相宅注鄭曰欲擇土中建

王國使召公在前視所居者王與周公將自後往也詩王風

正義作召誥

召公既相宅周公往營成周注鄭曰居攝七年天下太平

而此邑成乃名曰成周也公羊傳宣十年疏使來告卜作洛誥

古文尚書注卷十

成周既成遷殷頑民注鄭曰此皆土也周謂之頑民民無

知之稱詩王風周公以王命誥作多士

周公作無逸

召公為保周公為師注馬曰保氏師氏皆大夫官釋文鄭曰

此師保為周禮師氏保氏大夫之職賢聖兼此官尚書正義

成王為左右注馬曰分陝為二伯東為左西為右釋文召公

不說注馬曰召公以周公既攝政致太平功配文武不宜

復列在臣位故不說以為周公苟貪寵也史記集解鄭曰周公

既攝王政不宜復列於臣職故不說尚書正義

周公作君奭

成王東伐淮夷遂踐奄

鄭曰奄國在淮夷之北
集解此

伐淮夷與踐奄是攝政三年伐管蔡時事其編篇于此未

聞尚書正義踐讀曰翦翦滅也
詩破斧正義 凡此伐諸叛國皆周公

謀之成王臨事乃往事畢則歸上同作成王征注馬曰征正

也釋文

成王既踐奄將遷其君于薄姑

馬曰齊地
史記集解鄭曰奄

既滅矣其君佞人不可復故欲徙之於齊地使服於大國

詩破斧正義 周公告召公作將薄姑

成王歸自奄在宗周誥庶邦作多方

成王既黜殷命滅淮夷還歸在豐作周官

堯典正義云孔以周官在立政

古文尚書注卷十

八

後第八十八鄭以為在立政前第八十六

周公立政

成王既伐東夷息慎來貢

馬曰息慎北夷也
文釋鄭曰息

慎或謂之肅慎東北夷史記五帝本記集解王辨榮伯作賄息慎之

命注馬曰榮伯周同姓畿內諸侯為卿大夫也史記集解

周公在豐將沒欲葬成周公薨成王葬于畢告周公作毫

姑

周公既沒命君陳分正東郊成周

鄭曰天子之國五十里為近郊今河南洛陽相去則然
周禮疏東郊周之近郊

也禮記王制正義半遠郊禮記郊特牲正義作君陳

無聞知周公曰嗚呼我聞曰昔在殷王中宗鄭曰中宗

謂太戊也詩商頌譜正義儼恭寅畏鄭曰恭在貌敬在心正義

天命自度治民祇懼不敢荒寧馬曰知民之勞苦不敢

荒廢自安也史記集解肆中宗之享國七十有五年其在高宗

時舊勞于外爰暨小人馬曰武丁為太子時其父小乙

使行役有所勞役于外與小人從事知小人艱難勞苦也

史記集解鄭曰高宗謂武丁也舊猶久也爰於汨與也武丁為

太子時殷道衰為其父小乙將師役于外與小人之故言

知其憂樂也詩商頌譜正義作其卽位乃或亮闇三年不言馬

曰亮信也陰默也為聽于冢宰信默而不言左傳隱元年正義云杜議

引尚書傳鄭曰作起也諒闇轉作梁闇詩商頌譜正義相謂之梁闇謂

廬也史記集解小乙崩武丁立憂喪三年之禮居倚廬柱楣不

言政事詩商頌譜正義其惟不言言乃雍鄭曰其不言之時時

有所言則羣臣皆和諧尚書正義史記雍作雍集解引

望其言久矣不敢荒寧馬曰寧安也史記集解嘉靖殷邦至于小

大無時或怨鄭曰小大謂萬民今本作人唐上及羣臣

言人臣大小皆無怨王也尚書正義肆高宗之享國五十有九

年其在祖甲馬鄭皆曰祖甲武丁子帝甲也史記集解

義引作鄭注不義惟王舊為小人馬曰祖甲有兄祖庚而祖

甲賢武丁欲立之祖甲以王廢長立少不義逃亡民間故

序錄璿機鈴云因而謂之書加上以尊之又曰書務以天言
尚書序

書初出屋壁皆周時象形文字今所謂科斗書以形言之

為科斗指體卽周之古文
尚書序 正義

更以竹簡寫之
同上

虞夏書二十篇商書四十篇周書四十篇三科之條五家

之教
堯典 正義

經五十七篇後亡其一篇故五十七
漢書藝文志師古注

我先師棘下生安國亦好此學衛賈馬二三君子之業則

雅材好博既宣之矣歐陽氏失其本義今疾此蔽冒猶復

古文尚書注卷卷十

十

疑惑未悛
堯典 正義

書序孔子所作
尚書 正義

尚書逸文敘

賜進士及第刑部郎中前翰林院編修孫星衍撰

全書燬于秦逸書亡于晉經傳諸子所引尚書自秦已前則百篇之文自漢已來則逸十六篇之文也漢儒親見百篇之書惟伏生一人而已其抱百篇壁藏時蓋孰誦文義漢定所得書雖止廿八篇以授鼂錯及教齊魯之間而大傳所引九共帝告大誓之語皆在百篇或不能記其全文則述其義衛宏所云使其女傳言教錯又云錯略以意屬讀者蓋謂大傳卽藝文志所載傳四十一篇是真伏生口授之文也婁敬在秦漢之間曾見百篇之書故稱云武王

尚書逸文序

一

伐紂不期而會孟津之上八百諸侯皆曰紂可伐矣其文在大誓是時太誓未出于屋壁婁敬自秦時見之若司馬遷作史記引湯征之文王莽時羣臣引書逸嘉禾篇皆不在十六篇中亦非親見百篇之書或得之于諸子傳說矣趙岐注孟子稱孟子時尚書凡百二十篇按書序實止百篇依尚書緯云百二篇爲尚書十八篇爲中候岐蓋兼中候言之然則墨子所引禹誓及湯之官刑豈卽百篇外之逸篇與漢武末僅得大誓一篇與廿八篇俱立于學官而中下二篇未得今春秋內外傳管墨荀孟所引大誓皆在馬鄭所注大誓之外禮記引大誓予克紂非予武之文鄭

氏注云今大誓無此章則其篇散亡蓋謂亡失之二篇也
馬季長反据以疑上篇之僞何其謬哉廿九篇之文三家
傳授既有異同亦或脫誤按左傳引盤庚惡之易也引康
誥父不慈子不孝兄不友弟不恭不相及也尙書大傳引
般庚若德明哉湯任父言卑應言引酒誥王曰封唯曰若
圭璧引無佚厥兆天子爵白虎通亦以爲無逸之詞今檢
諸篇並無是語蓋不盡僞孔刪之楊雄稱酒誥之文俄空
焉藝文志云劉向以中古文校歐陽大小夏侯三家經文
酒誥脫簡一召誥脫簡二率簡二十五字者脫亦二十五
字簡二十二字者脫亦二十二字文字異者七百有餘脫

尙書逸文序

二

字數十劉歆云伏生尙書初出屋壁朽折散絕又云以考
學官所傳經或脫簡傳或閒編左傳大傳白虎通所引豈
在古今文脫簡與孔壁古文据漢記尹敏傳云孔鮒所藏
見顏師古注藝文志家語云孔騰所藏家語爲王肅僞書不足取獨怪鮒藏書時不以百
篇而僅以五十八篇蓋亦秦火之餘非全經矣孔安國旣
獻古文藏于中祕司馬遷班固劉向劉歆咸得見之或以
史記不用十六篇之文爲疑不知書序亦出孔壁遷旣用
之矣其不用古文者以無師授不盡通其訓詁故盤庚大
誥諸篇爲三家經文遷亦罕載其辭馬鄭注于此數篇無
多義旨古人未有不知而作者且漢魏諸儒旣多從孔安

國傳學又見杜林漆書終不爲古文作注豈以中古文不得見或絕無師說或不通科斗文字或古文在漢時已有殘缺與咸有壹德在十六篇而鄭氏注緇衣云今亡則鄭雖受古文于張恭祖亦有不見之篇也隋志稱梁五經博士劉叔嗣注尚書逸篇二卷出於齊梁閒考其篇目似孔子壁中書之殘缺者故附尚書之末又載徐邈撰古文尚書音一卷又云晉世祕府所藏有古文尚書經文今無有傳者蓋因劉注徐音或皆不附經文遂謂無傳也東晉梅賾上僞古文頗采錄經傳依于誼理以售其欺世之術然其書僅取內外傳而于荀墨多所遺不用說文由不識篆

尚書逸文序

三

籀是可証其見聞之陋又出張霸下矣今錄尚書逸文兼用各書注義釐爲上下卷附于廿九篇書之後其有篇名可按列于前無篇名而稱虞書若夏商周書者次之但稱尚書者又次之不稱尚書而注義疑爲逸書與文似尚書者附焉吾友江處士聲創例于前搜輯之功十得八九非予所敢襲美故先著江名惟江亦有疏失其引孟子號泣于旻天誤以公明高于父母之言爲本經引左傳遺周書居安思危引說文虞書水行乘舟陸行乘車山行乘櫟澤行乘輶爲古尚書說不知河渠書亦以爲夏書本文又以韓非引周書所謂下言而上用者惑也爲與淮南所引下

言者上用之文相反不知韓非譏周書以爲惑也又說文引虞書洪水浩浩卽約舉湯湯洪水浩浩滔天之文說文云檣木也夏書曰竹箭如檣蓋言檣讀如禹貢竹箭之箭春秋繁露引書曰厥辟不辟去厥祗卽坊記所引厥辟不辟忝厥祖異文漢書引書云臣不作福不作威靡有後羞卽用洪範之義江皆重復列之今悉更正愚者之慮庶幾可擇焉予校訂尙書馬鄭注蓋本王氏應麟之書証以閻惠兩君之說參之王光祿鳴盛江處士聲之著述又質疑于王侍御念孫復有張太史燮章孝廉宗源助予討論幸同志之不孤猶冀來者之補其漏略也始欲爲尙書作年表念共和已前甲子無可依據邵雍等徒取之竹書紀年紀年本起夏殷今起黃帝益爲僞書且春秋緯言三百年斗歷改憲後人推三代以前甲子徒以弦望交食知之殊不知信故不作表其古今文傳經表則江處士已著于篇亦不別撰惟作篇目表使覽者知馬鄭篇第之合于古而僞孔書五十八篇固非藝文志所爲五十七篇也乾隆六十年歲陽在旃蒙陰在單闕其月斗指卯辰二曆之間日值丙戌撰于都門之孫公園寓邸

尙書逸文序

四

尚書逸文卷上

吳江聲撰集

陽湖孫星衍補訂

九共

孔壁古文有未詳第幾篇

虞夏書

虞書

予辯下土使民平平使民無敖

尚書大傳九共引書曰

臯陶謨

虞夏書

虞書

予乘四載水行乘舟陸行乘車山行乘櫟澤行乘軻

說文木部

引虞書曰按今予乘四載下無此文古人不應虛言四載疑偽孔刪之故以示異工真古文

五子之歌

孔壁古文有

虞夏書

夏書

啟乃淫溢康樂野於飲食將將銘莧磬以力湛濁於酒渝

食於野萬舞翼翼章聞於天天用弗式

墨子非樂篇引武觀曰按武觀即

尚書逸文卷上

五子是此文為五子之歌乃當為子莧疑筦字假音江聲本作章聞於大云大當為天按善本墨子正作天

允征

孔壁古文有

虞夏書

夏書

篚厥元黃昭我周王

堯典正義云鄭注禹貢引允征云郭璞注爾雅引逸書曰釗我周王

江聲云周當為君象文相似之誤安鄭注禮記云忠信為周則周王猶云平王甯王也

帝告

孔壁古文無

商書

施章乃服明上下

尚書大傳帝告引書曰

湯征

孔壁古文無

商書

湯曰予有言人視水見形視民知治不伊尹曰明哉言能

聽道乃進君國子民為善者皆在王官勉哉勉哉湯曰汝

不能敬命予大罰亟之無有攸赦

史記殷本紀湯征諸侯葛伯不祀湯始伐之作

湯征 案孔壁古文無此
篇司馬遷蓋本諸子所引

葛伯仇餉

注趙岐曰尚書逸篇文仇怨也言湯伐葛伯怨

其害此餉也葛夏諸侯嬴姓之國孟子滕文公篇引書曰湯一征自

葛始天下信之東面而征西夷怨南面而征北狄怨曰奚

為後我

孟子梁惠王篇引書曰

後我后後來其蘇

同上引書曰

注趙岐曰

此二篇皆尚書逸篇之文也言湯初征自葛始詰其君恤

其民天下信湯之德面者向也東向征西夷怨者去王城

四千里夷服之國也故謂之四夷言遠國思望聖化之甚

也故曰何為後我後待也后君也待我君來則我蘇息而

已

同上滕文公篇云湯始征自葛載十一征而無敵於天下東面而征西夷怨南面而征北狄怨曰奚為後我

尚書逸文卷上

下又引書曰後我后後來其無罰案滕文公篇不引書曰

又滕文公篇孟子曰湯居亳與葛為鄰葛伯放而不

祀湯使人問之曰何為不祀曰無以供犧牲也湯使遺之

牛羊葛伯食之又不祀湯又使人問之曰何為不祀曰

無以供粢盛也湯使亳眾往為之耕老弱饋食葛伯帥其

民要其有酒食黍稻者奪之不授者殺之有童子以黍肉

餉殺而奪之案此亦孟子引書文而不云書曰趙岐亦不言逸書故附此

湯誓 商書

幸求元聖與之戮力同心以治天下墨子尚賢篇引湯誓曰

予小子履敢用元牡敢昭告于皇皇后帝注孔安國曰履

殷湯名此伐桀告天之文殷豕尚白未變夏禮故用元牡

皇天后君也君帝謂天帝也墨子引湯誓其辭若此有罪

不敢赦注包咸曰順天奉法有罪者不敢擅赦帝臣不蔽

簡在帝心

注何晏曰言梁居帝臣之位罪過不可隱蔽以

其簡在天心故朕躬有罪無以萬方萬方有罪罪在朕躬

注孔安國曰無以萬方萬方不與也萬方有罪我身之過

論語堯曰篇墨子兼愛篇引湯說湯曰惟予小子履敢

用元牡告於上天后曰今天大旱即當朕身履未知得罪

於上下有善不敢蔽有罪不敢赦簡在帝心萬方有罪即

當朕身朕身有罪無及萬方周書引湯誓曰余一人有

辜無以萬夫萬夫有辜在余一人章昭曰湯誓尚書伐桀

之誓也今湯誓無此言則已散矣呂氏春秋順民篇

云昔者湯克夏而正天下天大旱五年不收湯乃以身禱

于桑林曰余一人有罪無及萬夫萬夫有罪在余一人無

以一人之不敏使上帝鬼神傷民之命

仲虺之誥孔壁古文無商書

我聞有夏人矯天命於下帝式是憎用爽厥師墨子非命

篇引仲虺

之告曰上篇作我聞於夏人矯天命布命於下帝伐之

惡冀喪厥師中篇作我聞有夏人矯天命布命於下帝

式是惡用闕師江聲曰式用也爽當為喪聲之誤也星

衍日用為冀亦聲之誤式為伐厥為闕字之誤布命於下

下篇脫

諸侯自為得師者王得友者霸得疑者存自為謀而莫已

若者亡

荀子堯問篇吳起引中齋之語曰呂氏春秋驕

侯之德能自為取師者王能自取

友者存其所擇而莫如已者亡

亂者取之亡者侮之

左傳襄十四年中行獻子曰仲虺有

志云宣十二年隨武子

曰仲虺有言曰取亂侮亡

湯誥

孔壁古文有商書

維三月王自至於東郊告諸侯羣后毋不有功于民勤力

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

今在史記

迺事予乃大罰殛女毋予怨曰古禹臯陶久勞于外其有
功乎民民乃有安東爲江北爲濟西爲河南爲淮泗瀆已

修萬民乃有居后稷降播農殖百穀三公咸有功于民故

后有立徐廣曰一作土昔蚩尤與其大夫作亂百姓帝乃弗予有

狀先王言不可不勉曰不道毋之在國徐廣曰之一作政女毋我

怨史記殷本紀湯既紂夏命還亳作湯誥

咸有壹德孔壁古文有商書

惟尹躬及湯咸有壹德禮記緇衣篇引尹吉日鄭曰吉當爲告古

文誥字之誤也尹告伊尹之誥也書序以爲咸有壹德今

亡咸皆也君臣皆有壹德不貳則無疑惑也同惟尹躬天

尚書逸文卷上

見于西邑夏自周有終相亦惟終同上引鄭曰尹吉亦

尹誥也天當爲先字之誤忠信爲周相助也謂臣也伊尹

言尹之先祖見夏之先君臣皆忠信以自終今天絕桀者

以其自作孽伊尹始仕於夏此時就湯矣夏之邑在亳西

見或爲敗邑或爲予同上

伊訓孔壁古文有商書

維太甲元年十有二月乙丑朔伊尹祀于先王誕賚有牧

方明漢書律歷志引伊訓篇曰劉歆曰言雖有成湯太丁外丙之服

呂冬至越蒞祀先王于方明呂配上帝是朔且冬至之歲

也如涓曰觀禮諸侯觀天子爲壇十有二尋加方明于其

上孟康曰方明者神明之象也呂木爲之方四尺畫六采
東青西白南赤北黑上天下青同上

天誅造攻自牧宮朕載自亳孟子萬章篇引伊訓曰**注**趙岐曰伊訓

尙書逸篇名牧宮桀宮朕我也謂湯也載始也亳殷都也
言意欲誅伐桀造作可攻討之罪者從牧宮桀起自取之

也湯曰我始與伊尹謀之於亳遂順天而誅之也同上

載孚在亳征自三朶堯典正義引鄭注典寶引伊訓云

太甲孔壁古文無商書

民非后無能胥以甯后非民無以辟四方禮記緇衣篇引太甲曰**注**

鄭曰太甲湯孫也書以名篇胥相也民非君不能以相安

尚書逸文卷上

同上

毋越厥命以自覆也若虞機張往省括于厥度則釋禮記緇衣篇引太甲曰

鄭曰越之言蹙也厥其也覆敗也言無自顛蹙

女之政教以自毀敗虞主田獵之地者也機弩牙也度謂

所擬射也虞人之射禽弩已張從機問視括與所射參相

得乃後釋弦發矢爲政亦當以己心參於羣臣及萬民可

乃後施也同上

天作孽猶可違自作孽不可活孟子公孫丑篇引太甲曰離婁篇同**注**趙岐

曰殷王太甲言天之妖孽尙可違避譬若高宗雖維宋景

守心之變皆可以德消去也自己作孽者若帝乙慢神震

死是爲不可活故若此之謂也同上

顧諟天之明命禮記大學篇引太甲曰鄭曰顧念也諟猶正也諟

或爲題同上

盤庚 商書

惡之易也如火之燎于原不可鄉邇其猶可撲滅隱十年左傳引

商書曰莊十四年引同今脫上句疑僞孔刪之

若德明哉湯任父言卑應言尚書大傳盤庚引書曰

說命孔壁古文無 商書

高宗梁闇鄭曰闇讀如鶴謂廬也三年不言尚書大傳說命

引書鄭曰傳曰高宗居凶廬三年不言同上

尚書逸文卷上

曰以余正四方余恐德之不類茲故不言韋昭曰類善

也茲此也楚語曰公曰武丁於是作書曰注賈唐云書說命也昭曰非也其時未得傳說

曰若金用女作礪韋昭曰使磨礪已也若津水用女作

舟韋昭曰喻遭津水若天旱用女作霖雨韋昭曰天

旱自比苗稼也三日以上爲霖啟乃心沃朕心韋昭曰

啟開也以賢者之心比霖雨也若藥不瞑眩厥疾不瘳

韋昭曰以藥喻忠言也瞑眩頓瞽攻已急也瘳愈也若跣

不視地厥足用傷韋昭曰以失道比徒跣而不視地必

傷也楚語曰公曰昔武丁能聳其德至於神明以入於河

以出令也若不言是無所稟令也武丁於是作書曰以余正四方余恐德之不類茲故不言如是而又使以象夢求

四方之賢聖得傳說以來升為三公而使朝夕規諫曰見上按如是已下十九字是白公子張語故不錄 孟子滕文公篇引書曰若藥不瞑眩厥疾不瘳趙岐曰書逸篇也

念終始典于學 禮記文王世子篇 **注** 鄭曰兌當為說說命引兌命曰學記同

書篇名殷高宗之臣傳說之所作典常也念事之終始常

於學禮義之府 禮記文王世子注 典經也言學之不舍業也兌當

為說字之誤也高宗夢傳說求而得之作說命三篇在尚

書今亡 禮記學記篇 **注** 鄭曰言學人乃益已之學半 同上

學學半 禮記學記篇 **注** 鄭曰言學人乃益已之學半 同上

敬孫務時敏厥修乃來 **注** 鄭曰敬孫敬道孫業也敏疾也

厥其也學者務及時而疾其所修之業乃來 同上

尚書逸文卷上

惟口起羞惟甲冑起兵惟衣裳在笥惟干戈省厥躬 禮記

篇引兌命 **注** 鄭曰兌當為說謂殷高宗之臣傳說也作書以

命高宗尚書篇名也羞猶辱也衣裳朝祭之服也惟口起

辱當慎言語也惟甲冑起兵當慎軍旅之事也惟衣裳在

笥當服以為禮也惟干戈省厥躬當恕己不尚害人也 同上

爵無及惡德民立而正事純而祭祀是為不敬事煩則亂

事神則難 禮記緇衣篇 **注** 鄭曰惡德無愜之德純猶皆也

言君祭祀賜諸臣爵毋與惡德之人也民將立以為正言

放倣之疾事皆如是而以祭祀是不敬鬼神也惡德之人

使事煩事煩則亂使事鬼神又難以得福事純或為煩 同上

高宗之訓

孔壁古文無

商書

三年其惟不言言乃謹

禮記坊記引高宗云

鄭曰高宗殷王武丁

也名篇在尚書三年不言有父小乙喪之時也謹當為歡

同上孔穎達曰尚書序

聲之誤也其既言天下皆歡喜樂其政教也

同上孔穎達曰尚書序

有高宗之訓此經有高宗云謂是高宗之訓篇有此語故云名篇在尚書

大誓

此漢學官大誓所無蓋中下篇文

周書

紂夷之居而不肖事上帝棄闕其先神而不祀也曰我民

有命毋侮其務天不亦棄縱而不葆

墨子非命篇引泰誓之言然曰上篇引

泰誓曰紂夷處不肖事上帝鬼神禍厥先神祀不祀乃曰

大明之道之曰紂越厥夷居不肖事上帝棄厥先神祀不祀乃曰吾有命無廖排扁天亦縱之棄而弗葆天志中篇云

不祀乃曰吾有命無廖俾務天下天亦縱棄紂而不葆

同上

小人見姦巧乃聞不言也發罪鈞

墨子尚同篇引泰誓之言然曰

紂有億兆夷人亦有離德

杜預曰紂眾億兆兼有四夷

不能同德終敗亡余有亂臣十人同心同德

杜預曰武

王言我有治臣十人雖少同心也今太誓無此語

昭二十四年左

傳引太誓曰

天視自我民視天聽自我民聽

孟子萬章篇引泰誓曰

趙岐曰泰

誓尚書篇名自從也言天之視聽從人所欲也

同上

民之所欲天必從之

襄三十一年左傳引泰誓曰

杜預曰今尚書大

誓無此文故諸儒疑之

同上又曰逸書

昭元年引章昭曰今

周書大誓無此言其散亡乎

周語引同又注鄭語引同

朕夢協于朕卜襲于休祥戎商必克

周語引泰誓故曰

注韋昭曰

泰誓伐紂之誓也故故事也朕武王自謂也協亦合也休

美也祥福之先見者也戎兵也言武王夢與卜合又合美

善之祥以兵伐殷當必克之同

文王若曰若月乍照光於四方於西土

墨子兼愛篇引泰誓曰

予克紂非予武惟朕文考無罪紂克予非朕文考有罪惟

予小子無良

禮記緇衣篇引大誓曰

注鄭曰大誓尚書篇名也克勝

也非予武非我武功也文考文王也無罪則言有德也無

良無功善也此武王誓眾以伐紂之辭也今大誓無此章

則其篇散亡同

尚書逸文卷上

九

惡乎君子天有顯德其行甚章為鑑不遠在彼殷王謂人

有命謂敬不可行謂祭無益謂暴無傷上帝不常九有以

亡上帝不順祝降其喪惟我有周受之大帝

墨子非命篇云太誓之言

也於去發曰

獨夫紂

荀子議兵篇引泰誓曰

紂有臣億萬人亦有億萬之心武王有臣三千而一心

法禁篇引泰誓曰

我武惟揚侵于之疆則取于殘殺伐用張于湯有光

孟子滕文

公篇引泰誓曰

注趙岐曰太誓古尚書百二十篇之時泰誓也我

武王用武之時惟鷹揚也侵紂之疆界則取于殘賊者以

張殺伐之功也民有簞食壺漿之歡比于湯伐桀爲有光
寵美武王德優前代也今之尚書泰誓篇後得以充學不
與古泰誓同諸傳記引泰誓皆古泰誓也同

武成孔壁古文有周書

維一月壬辰旁死霸孟康日月二日呂往月魄死故言

死魄魄月質也若翌日癸巳武三廼朝步自周于征伐紂

漢書律歷志引武成篇曰粵若來三月既死霸粵五日甲子咸劉商王

紂師古曰今文尚書之辭劉殺也同上惟四月既旁生霸粵六日庚戌武

王燎于周廟翌日辛亥祀于天位粵五日己卯乃呂庶國

祀馘于周廟師古曰亦今文尚書也祀馘獻于廟而告祀也馘耳日馘同上

嘉禾孔壁古文無周書

尚書逸文卷上

十

周公奉鬯立于阼階延登贊曰假王蒞政勤和天下漢書王莽

傳羣臣上奏引書逸嘉禾篇曰

康誥周書

父不慈子不孝兄不友弟不恭不相及也僖十三年左傳引康誥曰昭

二十年左傳引康誥曰父子兄弟罪不相及

酒誥周書

王曰封唯曰若圭璧尚書大傳引酒誥

無逸周書

厥光天子爵白虎通爵篇引無逸篇曰尚書大傳無佚引書曰

周官

孔壁古文無

周書

立太師太傅太保茲惟三公

周禮保氏敘官疏引鄭志趙商問案成王周官云云

君陳

孔壁古文無

周書

爾有嘉謀嘉猷入告爾君於內女乃順之於外曰此謀此猷惟我君之德於乎是惟良顯哉

禮記坊記引君陳曰鄭曰君陳

蓋周公之子伯禽弟也名篇在尙書今亡嘉善也猷道也

於乎是惟良顯哉美君之德上

未見聖若己弗克見既見聖亦不克由聖

禮記緇衣篇引君陳曰

鄭曰克能也由用也同上

出入自爾師虞庶言同

禮記緇衣篇引君陳曰

注鄭曰自由也師庶

尙書逸文卷上

十一

皆眾也虞度也言出內政教當由女眾之所謀度眾言同

乃行之政教當由一也同上

君雅

孔壁古文無

周書

夏暑雨小民惟曰怨資冬祈寒小民亦惟曰怨

禮記緇衣篇引君雅

注鄭曰雅書序作牙假借字也君雅周穆王司徒作尙

書篇名也資當爲至齊魯之語聲之誤也祈之言是也齊

西偏之語也夏日暑雨小民怨天至冬是寒小民又怨天

言民恆多怨爲其君難同上

蔡仲之命

孔壁古文無

周書

王曰胡無若爾考之違王命也

定四年左傳云管蔡啟商甚間王室王於是殺管叔

而蔡蔡叔以車七乘徒七十人其子蔡仲改行率德周
公舉之以爲已卿士見諸王而命之以蔡其命書云
杜預曰胡蔡仲名同

尚書逸文卷上

三

尚書逸文卷

杜

杜
長
乘
翁
十八
其

尙書逸文卷下

吳江聲撰集

陽湖孫星衍補訂

虞夏書 虞書

粵若稽古帝舜曰重華建皇授政改朔

宋書禮志高堂隆引書曰疑虞書

此故附

祇載見瞽瞍夔夔齊栗瞽瞍亦允

孟子萬章篇引書曰

注趙岐曰尙

書逸篇祇敬載事也夔夔齊栗敬慎戰懼貌瞍亦信知舜

之大孝

同上○疑虞書

堯子丹朱不肖舜使居丹淵為諸侯

太平御覽地部引尙書逸篇云疑虞書

洛水警余

孟子滕文公篇引書曰

注孟子曰洛水者洪水也趙岐曰

尙書逸文卷下

尙書逸篇水之逆行洛洞無涯故曰洛水也

同上疑虞書

怨匹曰迷

說文走部引虞書曰勞迷屏功又曰

眊老字从此

說文眊目少精也虞書老字从此

虞夏書 夏書

禹七年水

墨子七患篇引夏書曰

禹抑洪水十三年過家不入門陸行乘車水行載舟泥行

蹈毳山行即橋

史記河渠書引夏書曰

注裴駟曰徐廣曰橋音近遙

反一作權權直輾車也音已足反尸子曰山行乘櫟音力

追反尸子又曰行塗以楯行險以楫行沙以軌又曰乘風

車音去喬反上

臯陶邁種德

莊八年左傳引夏書曰

注杜預曰夏書逸書也稱臯陶

能勉種德邁勉也

同上

昏墨賊殺

昭十四年左傳引夏書曰

注杜預曰逸書二者皆死刑同上

天子之德

一作惠一作位

廣運乃神乃武乃文呂氏春秋論大篇引夏書曰**注**

高誘曰逸書也

同上

地平天成

僖二十四年左傳引夏書曰

注杜預曰夏書逸書地平其化

天成其施

同上

與其殺不辜寧失不經

襄二十六年左傳引夏書曰

注杜預曰逸書也

不經不用常法

同上

念茲在茲

襄二十一年左傳引夏書曰

注杜預曰逸書也謂行此事當

尚書逸文卷下

二

念使可施之於此釋茲在茲

注杜預曰釋除也謂欲有所

治除於人亦當令可施於此名言茲在茲

事言此事亦皆當令可施於此允出茲在茲

信也信出於此則善亦在此惟帝念功

功則功成也

同上 哀六年左傳引夏書又曰允出茲在茲

成允成功

襄五年左傳引夏書曰

注杜預曰亦逸書也允信也言信

成然後有成功

同上

戒之用休董之用威勸之以九歌勿使壞

文七年左傳引夏書曰**注**

杜預曰逸書有休則戒之以勿休董督也有罪則督之以

威刑

同上

官占唯能蔽志昆命于元龜哀十八年左傳引夏書曰**注**杜預曰逸書也官占卜筮之官蔽斷也昆後也言當先斷志後用龜也

同上

眾非元后何戴后非眾無與守邦周語引夏書有之曰**注**韋昭曰夏

書逸書也元善也后君也戴奉也邦國也同上

一人三失怨豈在明不見是圖晉語引夏書有之曰**注**韋昭曰三失

三失人也明著也不見未形也同上成十六年左傳引夏書曰怨豈在明不見是

圖杜預注逸書也不見細微也

關石和鈞王府則有周語引夏書有之曰**注**韋昭曰夏書逸書也關

門關之征也石今之斛也言征賦調均則王者之府藏常

尚書逸文卷下

有也一曰關衡也同上

道人以木鐸徇于路襄十四年左傳引夏書曰**注**杜預曰逸書道人行

令之官也木鐸木舌金鈴徇于路求歌謠之言官師相規

注杜預曰官師大夫相規正工執藝事以諫杜預曰所

謂獻藝同上

辰不集于房馨奏鼓嗇夫馳庶人走昭十七年左傳引夏書曰**注**杜預

曰逸書也集安也房舍也日月不安其舍則食馨樂師車

馬曰馳步曰走為救日食備也同上

惟彼陶唐帥彼天常哀六年左傳引夏書曰**注**杜預曰逸書言堯循

天之常道有此冀方今失其行亂其紀綱乃滅而亡杜

預曰滅亡謂夏桀也唐虞及夏同都冀州不易地而亡

於不知大道故同上正義曰賈服孫杜解為夏桀之時

孔相合不足信或以夏書終五子之歌不應言夏桀之事

然洪範周書傳記或以為商書則此或是商書以其述夏

商書

從命而不拂微諫而不倦為上則明為下則遜荀子臣道

注楊倞曰書伊訓也同上按唐世伊訓已亡不知楊倞

此

何所本而云然不敢遽信其言故附

嗚呼古者有夏方未有禍之時百獸貞蚩允及飛鳥莫不
比方矧住人面胡敢異心山川鬼神亦莫敢不用若能共

尚書逸文卷下

四

允住天下之合下土之葆墨子明鬼篇引商書曰

湯五年旱墨子七患篇

刑三百罪莫重于不孝呂氏春秋孝行**注**高誘曰商湯所

制法也同上

五世之廟可以觀怪萬夫之長可以生謀呂氏春秋論大

注高誘曰逸書喻山大水大生大物廟者鬼神之所在五

世久遠故於其所觀魅物之怪異也長大也大故可以成

奇謀也同上

以相陵懣說文心部**注**許叔重曰懣輕易也同上

周書

天降下民作之君作之師惟曰其助上帝寵之四方有罪

無罪惟我在天下曷敢有越厥志孟子梁惠王篇引書曰

武王恥之此武王 **注**趙岐曰書尚書逸篇也言天生下民

為作君為作師以助天光寵之也四方善惡皆在已所謂

在予一人天下何敢有越其志者也同上

雖有周親不如仁人論語堯曰 **注**孔安國曰親而不賢不忠

則誅之管蔡是也仁人謂箕子微子來則用之百姓有過

在予一人同上 **注**墨子兼愛篇云昔者武王將事泰山隧

傳曰泰山有道曾孫周王有事大事既獲仁人

向作以祗商夏蠻夷醜貉雖有周親不若仁人萬方有罪

維予一人說苑君道篇引書曰百姓有罪在予一人

江聲曰論語堯曰篇不稱書

曰据墨子說苑皆尚書文矣

大國畏其力小國懷其德襄三十一年左傳云 **注**杜預曰

逸書同上

皇天無親惟德是輔僖五年左傳 **注**杜預曰周書逸書

黍稷非馨明德惟馨 **注**杜預曰馨香之遠聞同上云民不

易物惟德馨物 **注**杜預曰黍稷牲玉無德則不見饗有德

則見饗言物一而異用同上云

粵三日丁亥說文于部 **注**許叔重曰粵于也審慎之詞同上

遽以記之說文手部 **注**許叔重曰撻鄉飲酒罰不敬撻其

背古文作遽 同上 按此在臯陶謨而說文以為周書所

臯陶謨矣史記以諸眾讒嬖臣君德滅施皆清矣為庶頑

讒說下云禹曰然帝即不時布同善惡則毋功即數同日

奏罔功之文自侯以明之至車服以庸云云皆無之公羊疏亦稱尚書賦內以言為逸書當是舊注然則廿九篇之文亦有為偽孔所亂者矣

宮中之宥食

說文宥部引周書曰

注許叔重曰宥赦也

同上

我有載于西

說文蝨部引周書曰

注許叔重曰蠢蟲動也古文作載

來就碁碁

說文心部引周書曰

注許叔重曰碁毒也

同上

國無三年之食者國非其國也家無三年之食者子非其

子也

墨子七患篇引周書曰

將欲敗之必姑輔之將欲取之必姑與之

諱非子說林引周書曰 戰國

策二十二卷引周書曰同

往者不可及來者不可待賢明其世謂之天子

呂氏春秋聽言篇引

尚書逸文卷下

六

周書

民善之則畜也不善則備也

呂氏春秋適威篇引周書曰

注高誘曰周

書周公所作畜好

同上

若臨深淵若履薄冰

呂氏春秋慎大篇引周書曰

注高誘曰周書周文

公所作用

掩雉不得更順其風

淮南覽冥訓引周書曰

注高誘曰言掩雉雖不

得當更從其上風順其道理也言可行與不猶當以道德

為本

同上

上言者下用也下言者上用也

淮南

汜論訓引周書有言韓子說林引周書所

謂下言

用上用高誘曰用可否相濟也

同上

必參而伍之

史記蒙恬列傳恬引周書曰

農不出則乏其食工不出則乏其事商不出則三寶絕虞

不出則財匱少

史記貨殖列傳引周書曰

欲起無先

史記楚世家周武公引周書曰

前車覆後車戒

說苑善說篇引周書曰

以左道事君者誅

漢書王商傳引周書曰

記人之功忘人之過宜為君者也

漢書陳湯傳引周書曰

天子見怪則修德諸侯見怪則修政卿大夫見怪則修職

士庶人見怪則修身

後漢書楊震傳引周書曰

逸書

《尚書逸文卷下

居安思危

襄十一年左傳引書曰

注杜預曰逸書上

聖有暮勳明徵定保

襄二十一年左傳引書曰

注杜預曰逸書暮謀也

勳功也言聖哲有謀功者當明定安之上

聖作則

昭六年左傳引書曰

注杜預曰逸書則法也

欲敗度縱敗禮

昭十年左傳引書曰

注杜預曰逸書上

孝乎惟孝友于兄弟施於有政

論語為政篇引書云包咸曰孝乎惟孝美大孝之辭友于兄弟善於兄弟施行也所行有政

道同上

厥辟不辟忝厥祖

禮記坊記篇引書云

注鄭曰厥其也辟君也忝辱

也為君不君與臣子相褻則辱先祖矣君父之道宜尊嚴

同上 董仲舒春秋繁露玉楮篇引書曰厥辟不辟去厥祗

不顯哉文王謨丕承哉武王烈佑啟我後人咸以正無缺

孟子滕文公上趙岐曰書尚書逸篇也不大顯明承纘烈

光也言文王大顯明王道武王大纘承夫光烈佑開後人

謂成康皆行正道無虧缺也同上

有攸不為臣東征綏厥士女籙厥元黃紹我周王見休惟

臣附于大邑周孟子滕文公篇趙岐曰從有攸以下道

周武王伐紂時也皆尚書逸篇之文也攸所也言武王東

征安天下士女小人各有所執往無不惟念執臣子之節

籙厥元黃謂諸侯執元三纁二之帛願見周王望見休善

尚書逸文卷下

使我得附就大邑周家也同上

必有忍也若能有濟也周語云書韋昭曰書逸書也若

猶乃也濟成也言能有所忍乃能有成功同上

民可近也而不可上也周語引韋昭曰書逸書民可近

可以恩意近也不可上不可高上上陵也同上

先時者殺無赦不逮時者殺無赦荀子君道

德幾無小呂氏春秋報更篇引書墨子明鬼篇云禽艾

之所賞無小必賞之鬼神得磯無小滅宗無大則此言鬼神之

紳之束之韓非外儲

既雕既琢還歸其樸前

樹德莫如滋除害莫如盡

戰國策五卷引書云

去邪無疑任賢勿貳

戰國策十九卷引書云

成功之下不可久處

史記蔡澤列傳引書曰

恃德者昌恃力者亡

史記商君列傳趙良引書曰

裕汝眾

白虎通號篇引尚書曰

太社唯松東社唯柏南社唯梓西社唯栗北社唯槐

白虎通社

稷篇引尚書曰

三年一考少黜以地

白虎通考黜篇引尚書曰

咨爾伯

白虎通王者不臣篇引尚書曰

黼黻衣黃朱紉

白虎通紉冕篇引書曰

尚書逸文卷下

疑逸書

舜往于田號泣于旻天

孟子萬章篇說文曰部引虞書曰仁閱覆下則稱旻天

帝使其子九男二女百官牛羊倉廩備以事舜于畎畝之

中

趙岐曰帝堯也堯使九子事舜以為師以二女妻舜

百官致牛羊倉廩致粟米之餼備禮以奉事舜於畎畝之

中由是遂賜舜以倉廩牛羊使得而自有之堯典曰釐降

二女不見九男孟子時尚書凡百二十篇逸書有舜典之

敘亡失其文孟子諸所言舜事皆堯典及逸書所載獨丹

朱以允嗣之子臣下以距堯求禪其餘八庶無事故不見

於堯典前

父母使舜完廩捐階瞽瞍焚廩使浚井出從而揜之趙

岐曰完治廩倉階梯也使舜登廩屋而捐去其階焚燒其

廩也一說捐階舜即旋從階下瞽瞍不知其已下故焚廩

也使舜浚井舜入而即出瞽瞍不知其已出從而蓋揜其

井以為舜死矣象曰謨蓋都君咸我績趙趙岐曰象舜異

母弟也謨謀蓋覆也都於也君舜也舜有牛羊倉廩之奉

故謂之君咸皆績功也象言謀覆於君而殺之者皆我之

功欲與父母分舜之有取其善者故引為己之功也牛羊

父母倉廩父母趙趙岐曰欲以牛羊倉廩與其父母干戈

朕琴朕泚朕二嫂使治朕棲趙趙岐曰干楯戈戟也琴舜

所彈五弦琴也泚彫弓也天子曰彫弓堯彈舜天下故賜

之彫弓也棲牀也二嫂娥皇女英使治牀欲以為妻也象

往入舜宮舜在牀琴象曰鬱陶思君爾忸怩趙趙岐曰象

見舜在牀鼓琴愕然反辭曰我鬱陶思君故來爾辭也忸

怩而慙是其情也舜曰惟茲臣庶汝其于予治趙趙岐曰

茲此也象素憎舜不至其宮也故舜見來而喜曰惟念此

臣眾汝故助我治事孟子萬章篇

欲常常而見之故源源而來不及貢以政接于有庠趙

岐曰雖不使象得豫政事舜以兄弟之恩欲常常見之無

已故源源而來如流水之與源源通不及貢者不待朝貢諸

俟常禮乃來也其閒歲歲自至京師謂若天子以政事接見有庫之君者實親親之恩也此常常已下皆尚書逸篇

之辭同前

堯曰咨爾舜天之厯數在爾躬注何晏曰厯數謂列次也

允執其中四海困窮天祿永終注包咸曰允信也困極也

永長也言為政信執其中則能窮極四海天祿所以長終

論語堯曰篇

放勳曰勞之來之匡之直之輔之翼之使自得之又從而

振德之注趙岐曰放勳堯號也遭水逆行其小民放僻邪

侈故勞來之匡正直其曲心使自得其本善性然後又從

尚書逸文卷下

而振其羸窮德恩惠之德也孟子滕文公篇

伊尹曰予不狎于不順孟子孫丑篇

王曰無畏寧爾也非敵百姓也若崩厥角稽首注趙岐曰

武王令殷人曰無驚畏我來安止爾也百姓歸周若崩厥

角額角犀厥地稽首拜命亦以首至地也孟子盡心篇

百篇外逸書

禹曰濟濟有眾咸聽朕言非台小子敢行稱亂蠢茲有苗

用天之罰若予既率爾羣對諸羣以征有苗墨子兼愛篇引禹誓

允不著惟天民不而葆既防凶心天加之咎不慎厥德天

命焉葆墨子非命篇引禹之總德有之曰

其桓武於宮是謂巫風其刑君子出絲二衛小人否以二
伯黃徑乃言曰嗚呼舞佯佯黃言孔章上帝弗常九有以
亡上帝不順降之日殄其家必懷喪墨子非樂篇引湯之官刑有之曰

晞夫聖武知人以屏輔而身墨子尚賢篇引先王之書豎年之言然曰

夫建國設都乃作后王君公否用泰也輕大夫師長否用

佚也維辯使治天鈞墨子尚同篇引先王之書相年之道曰引惟口出好興戎云先

王之書術令之道曰引呂刑亦以為先王之書則此所引豎年相年或即書文并在百篇之中也

尚書逸文卷下

尚書逸文卷下終

綿竹黃尚銘校字

